

Sujets des Conférences Ecclésiastiques du Diocèse de Québec, pour l'année 1861.

CONFÉRENCE DU MOIS DE JANVIER.

Sempronius parochus ab executore testamentario sui predecessoris centum viginti missarum eleemosynas accipit, inter libros defuncti in capsula inventis cum hac nota : *Missæ*.

Ipse, omnes quas a diversis personis accipit eleemosynas missarum, in eandem capsulam immittit, et, datis occasionibus, unam vel plures extrahit quando ipse celebrat, vel ab aliis celebrari curat *ad intentionem dantium*. Elapso biennio, quæ remanent in capsula eleemosynas omnes tradit eisdem sacerdoti, qui inquirat quomodo intentionem dirigere debeat ; an pro vivis vel defunctis, an juxta ordinem chronologicum receptionis, &c. Respondet Sempronius : Quæso, celebres *in globo ad intentionem dantium*. Quo audito, sacerdos eleemosynas remittit dicens se nolle eam tali intentione celebrare.

Hinc Sempronius anxius quaerit :

- 1o. *Quænam sint regulæ observandæ circa determinationem intentionis in applicatione missarum ?*
- 2o. *Quid sit applicatio dicta IN GLOBO et quænam conditiones requirantur ut sit licita et valida ?*
- 3o. *Quamdiu celebrationem missarum differre liceat ?*
- 4o. *An ipse satisfecerit obligationi suæ et quid sibi nunc agendum ?*

QUESTION SECONDAIRE.

Metellus sacerdos, qui confessiones audivit in quadam parochia, dum pia exercitia recessus haberentur, dixit quibusdam annis adulterium valde frequens esse in tali parochia.

Quæritur an hoc dicere potnerit absque violatione sigilli ?

CONFÉRENCE DU MOIS DE MAI.

Ciaa mulier pauperrima, cum a parcho licentiam petisset habendi secum in lecto infantulum summa tempore hiemali, petitioni acquievit parochus, positus quibusdam conditionibus.

Paucis elapsis diebus, mulier eundem parochum in confessione adit et multum lacrymans narrat se conditiones sibi impositas fideliter implevisse et nihilominus in somno per accidens infantulum oppressisse.

Hinc parochus anxius quaerit :

- 1o. *An et sub quanam culpa teneantur parochi ab hoc periculo infantulos opprimendi avertere parentes ?*